



榕海舊聞

物業

穀



五

稻周禮揚州荊州地穀宜稻閩屬揚州當首稻矣左思三都賦國
稅再熟之稻宋馬益詩兩熟潮田天下無蓋美閩稻也說文謂稻
為粳粳徐屬也粳亦名秫字林云粳黏稻而粳稻不黏今之食米
皆粳稻釀酒則粳稻也閩中記云閩人以粳稻釀酒其餘蹂粉歲

時以為糲粽粿糕之屬

閩書

福州曰粳曰秣春種夏熟曰早稻

秋種冬熟曰晚稻歲一熟者曰大冬

而熟者所獲差相等 正德志

山田

冬種者曰早占霜降後熟者曰天降來曰薰提與早稻同熟者曰

黃芒與晚稻同熟者曰占城

占城無芒而粒細 正德志

曰稊

稊早稻既獲後苗始蕃亦

與晚稻同熟 萬歷志

又曰土稊歲再熟者曰金洲曰白香秣又曰糲

禾

洲田 萬歷志

與早稻同熟者曰早秣與晚稻同熟者曰晚秣與大冬同

熟者曰大冬秣

閩書

宋真宗以福建田多高仰聞占城稻耐旱遣

使求其種得一十石以遺其民使蒔之此占城所繇名也

湘山野錄

閩中水田每歲稻再種清明下秧大暑收穫即其故地亟耕 土

秋再播立冬復成熟若大暑所獲者留其舊本秋後復抽莖作實

所獲猶可當再播者十之三閩人謂之稻留廬州有稻孫秣謂

其名始米芾然則稻之有孫在處水田多有之不但閩中矣

七修類藁云秣稻黏米俗謂黃秣者本出占城故稱占城稻閩中

亦有黃秣謂之黏米所謂占城稻者米紅而小六七月早稻已獲

之後當立秋時移其秧旋插之至立冬成熟蓋一年再種之晚種

又與江浙之種不同

俱賓榻悠談

稷說文曰五穀之長也月令曰中央土食稷與牛五行土為尊故

五穀稷為長閩中種稷殊少惟明祀用之 閩書

糝甌治遺事糝米與黍相似而粒大呂氏春秋飯之美者有陽山之糝淳熙志

閩中山畬磽地尚有一種穗如鴨脚粒與黍相類

磨之可以麪其孚可以酒

閩書

麥廣雅曰大麩也小秣也本草云北方之麥秋種冬長春秀夏實全備四時之氣故無毒南方之麥冬種夏實四時之氣不備故有毒有大麥有小麥有蕎麥桿紅花白實三稜而黑秋花冬實有穉麥類麥而殼稍異福州曰米麥福寧州曰玉麥泉州曰蔚麥興化曰穉麥惟穉為古名

閩書

菽豆之總名也有黃豆白豆可醬有綠豆可粉有黑豆可豉有赤

豆褐豆霍豆

豆九月豆畚豆此外又有豌豆江豆水豆菜豆

樹豆葛豆菹豆刀豆皂夾豆虎爪豆蛾眉豆蟹豆蠶豆可入蔬品均豆也

閩書

麻八穀之良其實為苴詩曰九月苴苴註麻寔也有黑麻白麻有胡麻作角八稜種出大宛漢張騫得之此物自胡來者皆曰胡一曰巨勝兩頭尖銳作角七稜色純赤二麻可為飯可為油俗云必夫婦同種乃茂有大麻可績布爾雅所謂縻也閩中名芋麻績之曰縻以成夏布用行天下

閩書

白油麻味甘生則氣寒炒則氣熱夏種冬收

萬歷志

薏米春生苗莖高三四尺葉如黍開紅白花作穗五六月結實形如珠子而稍長一名薏珠淳熙志

芋陶隱居云蜀川生者形圓而大狀若蹲鴟謂之芋魁閩中出者形長而大細者如卵生于魁之傍食之尤美郡北下洋尤多淳熙志

蕃薯皮紫味甘于薯芋尤易蕃郡本無此種萬歷甲午歲荒

金學曾從外蕃勾種歸教民種之以當穀食其荒不為灾萬歷志

蕃薯頌曰度閩海而南有呂宋國國度海而西為西洋多產金

銀行銀如中國行錢西洋諸國金銀皆轉載于此以通商故閩

人多賈呂宋焉其國有朱薯被野連山而是不亦種植夷人幸

取食之其莖葉蔓生如瓜萎黃精山藥山藟之屬而潤澤可食

或者或磨為粉其根如山藥山藟如蹲鴟者其皮薄而朱可去

皮主食亦可熟食亦可釀為酒生食如食葛熟食如蜜其味如

熟芋齋器貯之有蜜氣香聞室中夷人雖蔓生不訾省然恠而

不與中國人中國人截取其蔓恐許挾小籃中以來于是入吾

閩十餘年矣其蔓雖委剪挿種之下地數日即榮故可挾而來

其初入吾閩時值吾閩飢得是而人足一歲其種也不與五穀

爭地此瘠鹵沙崗皆可以長糞治之則加大天雨根益奮滿即

大旱不糞治亦不失徑寸圍泉人鬻之斤不直一錢二斤而可

飽矣于是耄耆童孺行道鬻乞之人皆可以食。飢焉得充多焉而不傷。下至鷄犬皆食之。于是何子開鏡石山房樹蔭之隙地而種焉。而為之頌曰：不需天澤不異人工，能守困者也不爭肥壤，能守讓者也無根而生久不枯，萎能守氣者也。予向行江北天大旱，五穀不登，民食草木之食，亡厭。今乃佐五穀能助仁者，也可以粉可以為酒，可祭可賓，能助禮者也。莖葉皆無可棄，其直甚輕，其飽易充，能助儉者也。耄耆食之不患哽噎，能養老者也。童孺食之止其啼，能慈幼者也。行道鬻乞之人食之能平等者也。下至鷄犬能及物者也。其于士君子也，以六匱焉所以固其蘄，以廣施焉所以助其惠，而諸德備矣。而吾邑梁肉之家猶駭然而不敢食，食之則謂同于婁與賊。于是何子掘而出之，浴之清泉，薦之潔鼎，盛之陶甔，沃以濁酒而為之歌曰：金珠而如沙，人以之彈雀，金而如泥，人以之塗籬，金朱薯而如玉山之木，瑤池之桃，人以之為不死之大藥，雖不死藥不足佐五穀，吾亦不忍其禾玉，山桃瑤池獨從羽人于丹邱，坐視下界之人，瘁飢啾啾而不得一嚼，何喬遠。

按蕃薯皮微黃肉白，獨福清所產皮紫而微黃，味尤勝。周瑞峰云：曾在龍江食之，長二尺許，大如碗，甘美異常。蓋近海地，特腴。

耳福清人砌土為穴藏之經年不壞可晒為乾可磨為粉近大吏有作貢者又一種名芋薯而圓肉黃不可生食熟之若粟作糕色甚可觀然適口益遠不及蕃薯近新出不知種自何來也

薯蕷一名山藥生于山間石罅者良又一種根皮紫大者可重斤餘土人呼曰諸音若殊萬歷志

山藥原名薯蕷以避宋英宗諱改名山藥其種亦多今閩中以山谷中所生大如掌者為薯蕷而以圃中生直如槌者為山藥不知原一種而強分之也五雜俎

按山藥生巖上者歷年多隨石卷舒圓扁直曲不一狀食之有藥味外邑深山皆有之最益人圃中生直如槌者乃人力所種以求市皮嫩味微甘力量不及巖中生至于根皮紫大重數斤者另一種直厨蔬下品耳

番薯

百穀之外可以當穀者芋也薯蕷也閩中有番薯似山藥而肥白過之種沙地中易生而番衍飢饉之歲民賴全活此物北方亦可

種也

按嵇含草木狀有甘藷形似薯蕷寔大如甌皮紫肉白可蒸食之想即番蕷未可知也五雜俎

不曾別愛一人思寒菊云禦寒不藉水為命云自同金鑄心其忠肝義胆于此可見晚十究竟性命之學以壽終南邨

貨

銀古田羅源舊有銀場久塞

正德志

鐵永福有之其品有三初鍊去鏽用以鐵錫器物者為工鐵再三銷拍又以作鏢者為鑄鐵亦謂之熟鐵以生柔相雜和用以作刀

劍鋒刃者為剛鐵商賈通販于浙間皆生鐵也 慶歷三年發運

使楊告乞下福建嚴行禁法除民間打造農器鍋釜等外不許私販下海兩浙運司奏當路州軍自來不產鐵竝漳泉福等州轉海興販逐年商稅課利不少及官中抽納折稅收買打造軍器乞下福建運司曉示許有物力客人興販乃召保出給長引只得詣浙

路去處買賣本州今出給公據

淳熙志

鹽福清鹽埕經曰海水有鹹澆潮長而過埕地則澆歸土中潮退日曝至生白花取以淋澆方潮未至先耕埕地使上虛而受信既過刮起堆聚用車及擔輦致整頭掘土為窟名為漏埕以土築塞用茅襯底滿貯土信取鹹水淋之堆塞則取澆必鹹旁用蘆管引入澆惶惶在漏埕之下掘土為窟以受澆茅草覆之取鷄子或桃仁置澆中則澆鹹可煎築土為斛畎在官竈旁以竹管接之旋盤如畎澆之流盤以竹篾織用蠟灰塗復織金墻以圍繞亦堅以蠟灰蓋益以受澆也大盤一日夜煎二百斤小盤一百五十斤

淳熙志

試鹽台州鹽場日以蓮子試澆蓮子重者用之澆浮三蓮四蓮味重五蓮尤重蓮子取其浮而直若二蓮直或一直一橫即味差薄若鹵更薄即蓮沉於底而煎鹽不成閩中之法以雞子桃仁試之澆味重則正浮在上鹹淡相半則二物俱沉與此相類

西溪叢語
宋姚寬

糖取竹蔗搗蒸候官甘蔗州最盛

淳熙志

本草圖經云蔗有兩

種赤色名崑崙蔗白色名荻蔗出福州以上皮節紅而淡出泉漳者皮節綠而甘其幹小而長者名管蔗又名蓬蔗居民研汁煮糖泛海鬻吳越間糖有二種曰黑糖曰白糖有雙清有潔白鍊之有糖霜亦曰冰糖有蜜斤亦曰牛皮糖其法先取蔗汁煮之攪以白

灰成黑糖矣仍置之大甕漏中候出水盡時覆以細滑黃土凡三遍其色改白有三等上白名清糖中白名官糖下名詹尾其所出之水名糖水矣官糖取之再行烹鍊劈雞卵攪之令渣滓上浮置甕漏中覆土如前其色加白名潔白糖其所出之水名潔水矣又取烹鍊成糖霜蜜片矣甕漏器如帽盈底串一眼出水其處也初人莫知有覆土法元時南安有黃長者為宅煮糖宅垣忽壞壓于漏端色白異常遂獲厚貨後遂效之他糖諸郡皆有潔冰蜜片獨出于泉元人名沙裡別胡語也呂惠卿言凡草皆正生滴出甘蔗側種根上蔗出故名從蔗也嵇含作竿蔗謂其竿口竹竿離騷漢書皆作柘字通用也許慎說文作蔗蓋音之轉也

紅糶出古田 萬歷志

蜜有石蜜巖石間作色青赤有木蜜木枝間作色青白及人家窠檻中作者蜜濃味美 淳熙志

蠟有二種黃蠟蜂蠟也白蠟蟲蠟也 萬歷志

藍澱諸邑有之閩縣桐江上下里多故地有名藍布或青布者為盛出於此 淳熙志 採馬藍草水浸經月去楂以灰擾之即成澱

萬歷志

圖經曰藍寔有數種有木藍出嶺南不入藥有松藍可

以為澱者亦名馬藍爾雅所謂歲馬藍是也有蓼藍但可染碧不

堪作澱醫方所用者也又福州有一種馬藍四時俱有葉類苦益
菜土人連根採之焙搗下筴酒服錢七治婦人敗血甚佳 閩書

葉大叢生莖短有節折其莖以土壅之輒生蔡襄江南月錄云採
以器盛水浸除梓攪之以灰即成諸縣皆有閩候官長樂一種尤

多葉如蓼而圓者曰蓼藍一種小葉者曰槐藍 正德志

紅花葉如苘蒿花如刺結秋深種春末乘露採之可以染絳 閩中記

紫草八月末種二月採根用畚籠收見海風則爛黑矣與紅花同
出閩縣候官福清長樂等縣 淳熙志

烏梅候官鄉戶園林種至千萬株藍者為白梅焙乾為烏梅販
至浙江 淳熙志 梅子酸核初成時摘取夜以鹽汁漬之晝則日

晒凡作十宿十浸十曝便成調鼎和壅所在多任也 梅子核初
成時摘取籠盛于尖上薰之令乾即濃矣烏梅入藥不任調食也
齊民要術

有 油菜油菜子所壓者麻油脂麻所壓者桐油桐子所壓者諸縣俱

硝取故墻鹹土淋水煎熬而成凡製火器煉金銀皆用之出閩候
二縣

草蓆閩縣江南沙州草熟織作尤甚陸販上四郡每運至淮浙其

至粗者淮浙藍袋用之 淳熙志

木筏羅源連江多取木為筏出南北洋 淳熙志

紙竹穰楮皮薄藤厚藤片柔韌者皆可以造舊志謂竹紙出古田羅源村落間楮紙出連江西鄉薄藤紙出候官赤岸厚藤紙出永福辜領今皆少造惟古田杉洋人造極粗厚謂之錢紙即俗祀神楮帛也 正德志 蔡君謨嘗禁所部不得用竹紙蓋有獄訟未決

而案牘已零落者至于今時有剛連連七毛邊之目尤極腐爛入手即碎而人喜用之者價直輕爾毛邊之用上自奏牘下至東帖短札徧于天下稍濕即腐稍藏即蠹紙中第一劣品而世用之不改者光滑便於書也 五雜俎

絲麻

紬桑葉小不甚宜蠶得絲麓終可為紬

淳熙志

改機改機故用五層宏治間有林洪者工杼軸謂吳中多重錦閩織不逮遂改段機為四層故名改機

萬歷志

絲布故時細織苧麻雜絲織以為布今純月絲

萬歷志

蕉布大觀本草閩人灰埋蕉皮績以為布

淳熙志

紵其皮可以織布一科數十莖宿根至春自生歲三四次

淳熙志

麻諸邑有之績其皮為布連江以北皆溫之于溪旁為坑藏火束麻納其中石覆而水沃之良久乃剥今連江及福清永福出麻布

尤盛 淳熙志

有二種青麻皮一織為布黃麻皮僅可絞索耳

正

德志

葛可績為布閩縣等縣有之 淳熙志

縞布布之屬紗者俗名濟布

萬歷志

緝苧為之圓紗者曰夏布

正德志

吉貝木棉也閩人謂之吉貝本名古貝一曰古終曰吉貝者古貝

之訛也南史謂出林邑于阇利等國傳至閩中其木高七八尺種

以六年即枯枯即焚之至春其根復生嫩葉其實有覆蓋其殼如

檳榔分為四瓣或三瓣中有茸絮如鷲毳茸中有核遇烈日絮乃

諸縣

開采而聚之或彈以竹弓或絞以輪車是為木棉花 閩書

續

已有之古田平沃處種者稍多終非其地之所宜也 正德志

博物志聞閩中多木棉植之數千株採其花紡為布名吉貝木棉

樹大盈抱花紅似山茶黃蓋花片極厚

宋謝枋得詩嘉樹種不繇天何厚八閩厥上不宜桑蠶事殊艱

辛木棉收千株八口不夏貧 閩書

絲蚕桑差薄所產者多類民間所須皆資吳航所至 正德志

羅往年俱于蘓杭售以充貢近方有織者然亦不逮遠矣 正德志

木

州以南為多至建劍則無之以其擁腫不中繩墨名以楠或曰其蔭覆寬廣宜以榕名熙寧中程大卿師孟多命植此

淳熙志

榕有二種一種矮而盤桓其鬚着地復生為樹一名赤榕上聳高
大此樹生至福州而止故福州號為榕城諺云榕不過劍

閩書

相傳千年榕其上生奇南香余每見老榕樹愛其婆婆輒徘徊不能去高雲客時謔予曰公欲覓奇南香耶

閩小紀

榕賤木也材

不中器爨不生焰至福州始多故以名城然至漳泉間更多而鉅扶疏傍出根如流蘊下垂着幹即抱負為一輪困連拳好作恠狀

其根盤地峻嶒蚪卧恆齧許多根故易茂而難拔不才故寡伐而長壽其自處暗與道合者居民植之以當堪輿之屏翳行子賴之以為憇息之嘉庇豈所謂無用之用耶

閩部疏

榕喬木也其大

百圍凌冬不凋繁陰數畝雖結駟可庇閩郡獨蕃故稱榕城至劍

州界則無 景雲類纂

閩中多榕樹故號榕城閩以北無此其在

江南則冬青之屬也而枝幹柔脆幹既生枝枝又生根垂垂若流

蘓少着物即縈縈或就本幹自相依附若七八樹藂生者多至數

十百條合并為一蟬蜷椽結柯葉蔭茂其偶成章垂若偃蓋曲若

虬龍似亦可觀不然者離披擁腫而已豈南華所謂櫟樹者與 榕

城隍筆

晉安多榕故謂之榕城亦曰榕海云其木最易長折枝

仁埋之三年之外便可合抱柯葉扶疏上參雲表大者蔽虧百畝

老幹蟠拏如石焉木理邪而不堅易于朽腐十圍以上其中多空

此莊子所謂以不才終其天年者也閩人方言亦謂之松按松字

古作察則亦與榕通用矣

五雜俎

學樹長樂縣學西偏有古柳

一株高二丈許忽榕子寄生其顛歲月既久榕膚已柳諸生皆喜

以為登第之兆居三年陳廷試為榜眼又三年馬驛廷試為狀元

其領鄉薦中甲榜者難一二計訓導陳慈名其幹曰瑞榕而為之

記朝野紀畧

王守遠詩云清陰隨日遠翠影共烟浮年蔭均榮賤安人異品
流幄惟臨大道冠蓋俯高樓避暑宜無夏當風別得秋

程師孟詩云三樓相望枕城隅臨去重栽木萬株試問國人來
往處不知還憶使君無

松四時不改柯易葉史記曰松栢者百木之長也蔡襄知州日令
諸邑道傍皆植之又自大義渡夾道達于泉漳人稱頌之詩曰夾
道松夾道松問誰栽之我蔡公行人六月不知暑千古萬古搖清
風樹既老愚民多穴取其松明以至枯折尉司雖嘗籍記或令補
種未能禁絕舊隸憲司近亦申嚴云又元祐中

象環自東

門植松於鐵塔康山之巔陳傅贈詩云初與田疇一樣平一千年

徑挿天青行人息蔭涼風下應記載松道士名淳熙志

栢葉扁生而香淳熙志

檜栢葉而松身詩曰檜楫者此淳熙志

杉木類松而勁直葉附枝生若刺針然淳熙志

古字作姑亦音

杉爾雅曰被杉註云似松可以為船及棺材作柱埋之不腐是挿
而生者閩書

江淹頌桐梓舊麗松栢稱奇焉如茲品獨秀青崖群木斂望雜
草不窺長入烟氣永參崎嶇

楮亦曰杜松葉如側柏

閩書

相思木堅又堪作器用凡案棋局書筒之屬子冬寔如紅豆吳都

賦曰相思之樹 似廣花梨木昔宋大夫韓憑妻甚美宋康王奪

之憑自殺妻乃陰腐其衣王與登臺自投臺下左右攬其衣衣不

勝手遺書于帶曰願以屍與韓合葬王怒埋之二塚相對經宿塚

上各生一文梓根交枝連有鳥如鴛鴦棲于樹朝夕悲鳴人呼梓

樹為相思木 閩書

江淹頌竦樹碧澗卧根石林日月斷色霧雨恆陰綠秀八炤丹

寔四臨公子不至山客徒尋

櫛不高大枝有刺子似茱萸而香味辛如椒殺腥物 淳熙志

又有刺子朶生而熟味辛蜀都名蜀椒西戎名胡椒本土者名

土椒 淳熙志

樟大葉似栴而尖長彌辛烈者佳為大舟多用之 淳熙志

金荆木堅有文彩可為床榻器用 閩中記

江淹頌江南之山連障連天既抱紫霞亦漱絳烟金荆嘉樹涵

露宅仙誇節俱及幽意誰傳

黃楊葉細皮薄歲長三寸至閏年則縮一寸東坡詩惟有黃楊厄

閏年木堅實可為器用 淳熙志

藥木枝葉與石榴無辨皮黃子赤如枸杞子兩頭尖枝可剉以染
黃生山石間 淳熙志

檳爾雅曰苦葵也注云似梔子 淳熙志

木樨葉如檉欖而小實可以浣衣子可貫為數珠佛經云貫木樨
子一百八箇是也 淳熙志 俗呼墨圓子本草謂之無患子 閩書

朴葉如加條差小其皮蠶故名 淳熙志

柗材堪棟榱根生瘤吳賦云柗瘤之木 淳熙志

楮即穀樹也江東所產者結實閩所產者不結實其皮可搥為紙

亦可治為衣為食 閩書 皮有斑花寔如楊梅 淳熙志

棟高丈餘葉密如槐而長三四月開花紅紫色寔如彈丸熟則黃

即鈴子也 淳熙志 東臯雜錄江南自春至夏有二十四風信梅

花最先棟花最後樹有雌雄雄者根赤無子雌者根白有子 閩書

椿葉似檉欖芽香可噉 淳熙志

梓似桐而葉小花紫爾雅云付梓陸機云梓者楸之疏理白色而
生子

椽高可三二丈三四月開黃花八九月結寔 斗其殼可以染

皂爾雅云櫟其寔椽郭璞曰 盛寔之房其寔椽也 淳熙志

石楠葉如枇杷有小刺凌冬不凋人多植庭宇間陰翳可愛不透

日氣其末堅勁可為斧柯 閩書

枕榔木似椶櫚有節葉亦如之外堅中虛內有麩大者數斛紫黑色有文理可以制器 淳熙志

擇柳皮似檀槐 淳熙志

檉爾雅疏曰檉一名西河柳郭璞云今河傍赤莖小楊也陸機云

皮赤如絳一名雨師枝葉似杉 淳熙志 葉細而枝柔夏花粉紅

如栗 閩書

檉生山中葉與子似茱萸爾雅云椒檉醜茱桃李醜核言桃李屬

皆内核椒檉屬皆外核也 閩書

加條其葉有毛可用磨犀角象牙 惠安志曰吉金藤即

道家降真香生深山中以枯老紫色為貴或即一樹也又名美龍

藤

青剛葉似石楠木紋如黃楊堪作鞍轡 淳熙志

椶櫚亦曰枿櫚高一二丈傍舞枝條葉尺餘中色如魚子檉黃色

根浮土人植時先磐石基下 淳熙志

檀葉似槐 淳熙志

楓似白楊葉圓如岐有二角二月花色白取其脂可以為香 淳熙志

桐有四種青桐皮葉俱青而無子白桐皮白葉青而有子白桐有

花與子崗桐似白桐無子可以為琴瑟淳熙志

皂莢有雌雄者雄不寔鑿木幹方寸以雌木填之則寔淳熙志

白牙最白緊可為玩器淳熙志

水楊葉圓潤而赤枝條短硬多生水岸閩書

柳柯條與北土無異但飛絮者稀淳熙志

桑與柘為二種皆可以蠶亦可為鞍轡

欄木可為器最奈久遠閩書

水絲類杉修幹而細葉郡城內外凡濱水處多植之

檉杉略似水絲而木理輕鬆心赤色

江淹頌木貴冬榮檉寔寒色停黛峰頂插翠石側碧葉蒼靄韻

柯翕絕方陋筠櫝遠笑荆棘

黃連茶本高二三丈葉似槐而尖長春初芽始以代茗飲

亦為茹味香美俗又呼涼茶樹

羅漢松葉長而狹色蒼秀可愛凌冬不凋

鐵樹葉紅而幹如鐵俱閩書

荔枝木作核桃洪武間出內府所藏桃核示詞臣核長五寸廣四寸七分前刻西王母賜漢武桃及宣和殿十字塗以金宋學士有蟠桃核賦宇宙之間固何所不有但謂西王母賜漢武者則詛妄無疑此必宣和間黃冠偽為之以媚道君者耳王黼盛時廣求異物有以桃枝半枚獻者中容米三四斗即此類耳吾閩荔枝木有人偽作桃核刻之者歲久亂真殆無以辨此亦不可不知也

榕木建寧行都司有豫章木中空可設數席余在福寧龍泉菴後有榕木其中亦可盤五六人枝梢寄生大可數十圍方廣巖有

木自深坑出直至岩頂寺僧自巔垂繩縋下度之得三十丈云而幹不甚鉅半巖視之殊不覺其長也

酒樹肉樹閩中有酒樹即椰漿有肉樹生子冬炙食之

各種木閩人作室多用杉木器用必用榆木棺槨必用楠木北人不盡爾也桑柳槐松之類南人無用之者北人皆不擇而取之故樛棟多曲而不直什物多竅而不緻坐是故耳梗楠豫章自古稱之而柟木生楚蜀者深山窮谷不知年歲百丈之幹半埋沙土故截以為棺謂之沙板佳者解之中有文理堅如鐵石試之者以暑月作合盛生肉經數宿啟之色不變也然一棺之直皆百金以上矣夫莖欲其速朽也今乃以不朽為貴使骨肉不得復歸于土魂

魄安乎或以木之佳者水不能腐蟻不能穴故為貴耳然終俗人之見也

不凋木夫子稱松柏後凋蓋中原之地無不凋之木也若江南樹木花卉凌冬不凋者多矣如荔夫龍目桂檜榕栝山茶之屬皆經霜逾翠蓋亦其性耐寒非南方不寒也至于蘭菊水仙皆草不萎蕭當隕霜殺菽萬木黃落之時而色澤益媚非性使然耶

古木建州雲谷道中有數松盤拏蹙縮形勢殊詭余嘗過之歎其生於荒僻無能賞者又十數武石碣表于道周大書曰戰能松未

晦翁筆也追思往歲過羅源山路傍有石巖下覆古樹虬枝蒼蔚其上坐而樂之徘徊土際得一石刻曰才翁所賞樹石蓋蘓公為

福守時所書也乃知古人識鑒其先得我心若此而必鐫題以表之則今人不能亦不暇也

榕樹南昌翊聖觀有二松相去五尺合為一幹名為義松余在福寧南峰菴見一榕樹亦然作門出入其寔非幹也乃根耳根初在土中後入土愈深土落而根出怒卷如樛枝焉土漸低則根漸高而成幹矣今人有偽作連理樹者皆用此也若以此松為義他木盡負心耶

槐柳北人于居宅前後多植槐柳之類南人不爾也而閩人尤忌

之按葉道茂云人居而木蕃者去木蕃則土衰土衰則人病今人忌之以此然術士之談何足信也土必膏沃而後草木蕃豈有木盛土衰之理乎

俱五雜俎

檳榔閩人食檳榔每切作片蘸蠟灰以老葉裹嚼之老音老又音蒲口切初食微覺似醉面赤故東坡詩云紅潮登頰醉檳榔

西溪叢談

御柳白楊全不類楊亦如水松之非松類也李文饒有柳栢賦似是

竹

慈竹叢生任昉所謂子母竹生不離本蔡公襄嘗賦之淳熙志立而垂者為母環而茁者為稚子或曰彼物也何知特其形似余曰不然可以風世小草齋

黃公度詩慈竹陰初合新梢翠欲流晚搖千尺影冷撼一堂秋
笋迸苔痕折葉蒙山色幽鳳凰棲息穩端為此君留

研竹即斑竹永福縣鶴洋多產之

閩書

紫竹小而色純紫

閩書

可截為管萬歷志

鶴膝竹生古田縣似靈壽不須琢削自合杖制

淳熙志

箭竹可為箭幹生長在古田山中

淳熙志

苦竹笋苦而味佳

閩書

又有苦伏竹笋冬生掘而食之味尤珍

淳熙志

澹竹肉薄節間有粉南人以燒竹瀝者

淳熙志

其葉可以藥

閩書

石竹連江等縣為多節疏而平可為器用

閩書

猫竹方言謂之麻可以椽可以器削之可以刀

月可以裹

角黍

閩書

大至徑七八寸葉亦大笋夏生

江南竹粗大堅直笋冬生

閩書

秋竹甚小可為篾用

淳熙志

蠶竹有蟲焉叢生如蘆每節生蟲如新蟬之未翼外無竅隙隨竹

而長竹將枯乃穴傍出

閩書

豁竹節長細可為笛管味最美一作大歲竹

萬歷志

筋竹肉厚而竅小可為弓弩材

淳熙志

苦油竹可以鎗

閩書

赤竹可以刺船

桃枝竹可以席

長枝竹可以絲

含朶竹可以樊

箬葉竹其葉可以蓬

俱閩書

人面竹其節一俯一仰如人面然

萬歷志

徐興公云竹有人面其心能虛有人而心不虛者愧諸

小草

齋云爾竹也而中堅而操貞固宜面之為人彼人其面者何如

哉噫

釣竹如釣

閩書

金絲竹如絲

蘆竹如蘆

鳳尾竹如鳳

勒竹枝上有刺中心堅塞枝幹相交

俱閩書

觀音竹

棕竹

縣竹

水竹植石盃中可為玩

萬歷志

黃金間碧玉竹一黃一青橫斜相間山多有之高湖產者絕鉅

萬歷志

方竹可以杖壽山方廣巖俱有之

萬歷志

朱竹園有朱竹色如丹砂予嘗寄書李中丞質君殷太學彥來求一枝作杖彥來云舊惟古田縣一僧舍有之周櫟園侍郎求以為杖自後官閩者競取之遂成故事僧苦之竟剷去其種絕矣夫于

亭雜錄

太平清話云朱竹古無所本宋克仲溫在試院卷尾以

朱筆掃之故張伯雨有偶見一枝紅石竹之句然閩中寔有此種紅如丹砂香祖筆記

初但求之楮穎間頃過劍津西山數頃瑯玕丹如火齊乃知此君亦戲著緋為賦二詩云高情直與晚楓隣
嗟舞安知醉有辰

舊族傳為絳縣老孫枝近作赤城人瀟湘淚盡終餘血淇澳花繁不見春曾在龍門柯畔立支離更見巖中身 亂拂桃花映

客醜斜批鶴頂間青蘿翻新競比紅兒曲截笛留吹赤帝歌酒醞宜城光未定冠裁薛縣色全訛遙看巖下瀾編處或是秋深

柏葉多 閩小紀

雷驚竹福安縣有之 閩書

雷笋聞雷聲而發者其味倍佳 長溪瑣語

藤

丁公藤生依南木故號南藤莖如馬鞭南史斛叔謙母有疾夜如庭中禱告聞空中云得丁公藤即痊即此藤也

千金藤主治一切血毒生南土者黃赤如細辛

紫金藤生福州山中春初單生葉青色至冬凋落藤如枯條採其

皮晒乾為末治丈夫腎氣

圖經

石南藤其苗蔓延木上冬夏常青治風

含春藤如雞卵大汁甘味如蜜生研傅蛇蟲咬瘡一名甘藤甘感聲近耳又名甜藤

吉鈎藤亦名烏理藤色紫老者可貼雙陸局道家呼其根為降真香或以為簡

金剛藤方言謂之菠頡根赤色可以染鴨子

薜荔藤緣木而生

香藤緣木而生其氣馨香又有南藤人取以釀酒

王孫藤可供作纜

石南藤其苗蔓延石上四時不凋

藥

地黃葉生布地上有皺文根如手指通黃色

牛膝春生苗莖高二三尺青紫色有節如牛膝狀今州人單用土

牛膝根治血塊

天門冬春生藤蔓大如釵股高至丈餘花如苧香極尖細而疎滑有逆刺根大如指長二三寸爾雅謂之藤一名冬

麥門冬葉青似莎草長及尺餘四季不凋根如連珠形如穉麥顆故名

黃精二月生苗高一二尺葉如竹葉而短兩兩相向莖便柔脆似

桃枝根如嫩生薑八月採蒸熟啗博物志天姥謂黃帝曰太陽之草名黃精餌之可以長生

細辛其根細而其味極辛故名

藁香子亦名茴香葉似胡荽疏細作叢花頭如傘蓋黃白色實如麥而小人呼為土茴香

茯苓生大松下望松赤者下有之作塊如拳大者至數斤似人形龜形者但假松氣而生不附根上其抱根而輕虛者為伏神淮南子曰下有茯苓上有兔絲

茱萸葉似椿而濶厚寔似椒子嫩時微黃熟則深紫

石韋圖經云一名石皮叢生石上葉如柳背有毛而斑點如皮故

名福州自有一種石皮三月開花採葉煎湯浴去疰風亦有生古

瓦上者瓦韋

閩書

決明子葉似槐花黃子如綠豆而銳

香薷陶隱居云似白蘓而葉細一作香藁俗呼香茸霍亂轉筋者

飲服之

性堪辟暑 萬歷志

連翹南方生者葉狹而小莖短總高一二尺花黃寔黑內含黑子如粟粒

香麻圖經曰香麻生福州四季常有苗葉而無花不拘時月採之

土人以前煎作浴湯去風甚佳 閩書

何首烏春生苗葉葉相對如山芋而不光澤其莖蔓延竹木墻壁間根大者如拳有五稜瓣似小甜瓜赤者雌白者雄本名交藤因何首烏服之故名

半夏獨莖生莖端出三葉淺綠色似竹葉根下相重生皮黃肉白使君子藤如葛繞樹而上葉青如五加葉五月開花一簇一二十葩紅色輕盈如海棠其寔長寸許五瓣合成有稜先時半黃老則紫黑其中仁長如榧仁色 如粟

天南星苗如荷梗莖高尺餘葉兩相抱花黃子作穗生根如芋而

圖

蓖麻子莖有節秋花結寔殼上有刺仁白有油如大麻

牽牛子蔓生籬落間葉有三尖花帶碧色寔作球內有黑子一名鼓子花

薰子員木似檇莖間有刺子辛辣如椒

石蠶草根之似蠶者出山石上四時常有其苗青亦有節

土紅花味甘苦大者高七八尺葉似枇杷而小無毛秋生白花如

粟粒 圖經曰土紅花生福州及南恩州山野中福州生者作細藤似芙蓉葉上青下白根如葛頭薄切用米泔浸一宿更用清水

浸一宿搗服之可治勞瘵

閩書

車前子爾雅云芣苢馬烏車前郭璞注江東人呼為蝦蟇衣
今閩中亦然

天瓜一名枯樓亦名天羅藤退之所謂黃團掛門衡者治風熱土
人取瓢研和酒飲之方家搗其根為粉入劑

獨脚仙圖經曰生山林傍陰泉處多有之春生苗至秋冬葉落其
葉圓上青下紫脚長三四寸夏採根葉連梗焙乾為末治婦人血
塊

閩書

石垂圖經曰石垂生福州山中三月有花四時採子焙乾生搗蜜
丸用治蟲毒甚便

閩書

淳熙志作石益

赤孫施亦名酸漿亦名鳩酸雀兒酸生福州葉如浮萍草治婦人
血結泉人謂鹹酸草

閩書

一名歲寒漿離騷云資萊施

紫金牛圖經曰生福州味辛葉如茶上綠下紫寔員如丹珠根微
紫色八月採去心曝乾皮似巴戟主時疾隔氣去風疾用之

閩書

小青圖經曰福州出三月生花當月採葉葉生搗碎治瘤瘡甚効

閩書

可治癰瘡

菴藺狀如蓬艾可以辟蛇

鹽麩子葉如橘子秋熟為穗粒如小豈上有鹽似雪食之酸鹹止

渴蜀人謂之酸桶吳人謂之烏盞

桑螵蛸螳螂子也多在山木及荆棘間桑上者以得桑津氣故佳市之者以附幹為驗

菊藿輕虛無心主續筋骨一名接骨方

覆盆子苗短不過尺莖葉皆有刺寔如佛螺而漩

石菖蒲陶隐居云生石磧上概節者佳下濕地大根者名昌陽惟真菖蒲葉脊如劍今黃蘗山龍湫崖下瀑布飛度却濺可數步生

其間者絕佳非神全不為濺悖者莫能採溪蓀根形氣色極似但葉無脊耳

江淹草木頌藥虛寔品爰乃性輔却河衛福融邪養正縹色外
研金光內映草經所珍仙圖是詠

剪刀草圖經曰剪刀草五六月採葉正二月採根一名慈菰一曰白地粟一名河鳧茨爛搗其莖葉如泥塗傅諸惡瘡腫及小兒遊癩丹毒以冷水調此草膏化如糊以雞毛掃上腫便消退其効殊佳福州有種小異三月開花四時採根葉亦治癰腫

閩書

葉

如剪刀苗甚軟嫩色深青綠每叢十餘莖內一莖分枝開小白花

淳熙志

雞項草圖經曰生福州如紅花葉上有刺青色亦名千針草根似

小蘿蔔枝條直上三四月苗上生紫草八月葉凋十月採根洗焙
乾碾羅為散服治下血 閩書

瓊田草圖經曰瓊田草生福州春生苗葉無花三月採根葉焙乾
土人用治風生搥羅蜜丸服之 閩書

建水草圖經曰生福州枝葉似桑四時常有土人取其葉焙乾研
末煖酒服治走疰風 閩書

龍牙草出福州治痢最神本草謂即馬鞭草非也 閩書

越王餘美異苑曰晉安有越王餘美葉白者似骨黑者似角云是
越王行海作壽有餘棄於水中而生海藥云謹按異苑記昔晉安
越王因渡南海將黑角白骨美壽所餘棄水中故生此遂名美朱

鹹温主治水腫浮氣結聚宿滯不消腹中虛鳴 閩書

白蕞荷葉似甘蕉根似薑芽能解蠱毒亦云辟蛇 萬歷志

荔支核荔支核性太熱補陰人有陰症寒疾者取七枚煎湯飲之
汗出便差亦治痢疾 通神益知多食亦不傷人 本草

渴補髓 葛洪 有食其華寔為荔枝仙人 列仙傳

草

馬藍葉類苦益菜土人連採之即爾雅所謂箴馬藍是也淳熙志

石龍芻俗名龍鬚草可以織席本草綱目曰割草包束曰芻此草

生水石之處可以割束養馬故謂之龍芻述異記周穆王東海島

中養八駿處有草名龍芻是矣閩書

燈心叢生澤地莖圓細而直長亦可為席閩書

雞腸一名繁縷葉似苜蓿而小其莖梗作蔓斷之有綠縷細而中

虛似雞腸因名淳熙志

鱧腸即蓮子草也一種葉似柳而光澤莖似馬齒莧花細而白其

實如小蓮房一種苗梗頗似蓮花而黃色寔亦作房而圓可以止血
方言謂之斷血草 淳熙志

羊蹄朮菜也葉狹長色深莖節間紫赤採根醋磨塗癬立効 淳熙志

蓮草一名通脫木葉如草麻中虛有軟白可為輕花出長溪 淳熙志

紫背解一切蛇毒 淳熙志

佛甲多附石向陽而生似馬齒莧細小而長 淳熙志

仙人掌多貼石壁上如仙人掌能治腸痔瀉血 淳熙志

蒲生陂湖中嫩者可食漢嘗以裹輪 淳熙志

蕒生有三稜爾雅謂之藎江生者為淡蕒近海者為鹹蕒土人採

以捆履織席亦可為纜

蕒似茅可為繩索履屨亦可為帚 閩書

虎杖草爾雅曰似紅草而大可染赤煎以為飲色如琥珀 淳熙志

戒火草人家用瓦缶植之以警火

獨掃草爾雅曰馬帚注云可以為帚

芟生泥浦中葉如蒲葦人縛為薦藉謂之菰又有白色者其根可

食謂之芟鬱子中有黑點歲久生白臺如小鬼臂謂之芟干

火秋春生苗葉似紫蘓大而尖長白花州人呼其葉為火秋草

沙草根名香附子 俱淳熙志

吉祥葉如萱而小四時一色生泉石中山村人以揀瓶祀先雖在
陰宇葱翠不凋家有吉事定自開花故名吉祥

閩書

鼠麴生平岡熟地葉有白毛黃花可雜米粉作糗食之

閩書

草蔓生閩山谷溪澗間有草蔓生類兔耳而色正碧菁翠纖妍異
於它卉植移盆中甚有幽致殊勝菖蒲躑躅也但性畏日稍暝即

槁須置池畔巖側濃陰到石之下余行天下未有見此草者

五雜俎

斷腸草一枝三葉葉大如萋食之輒死山谷中在在有之民間鬪
不能勝服之令妻子扶而之怨家死焉其妻子利之亦不甚禁也
怨家富而畏事厚償之去不者亦服以抵償官惡其事為下令服
草死者不給埋錢第令致斷腸草十斤於官而焚之計久而銷然
不能盡除也解此毒者首以蜜灌之已復灌羊血吐出可不死

閩

部疏



